



partii naleraq

UPA2016/27

Apriliip 13-t 2016

Immikkoortup 27 siullermeerneqarnera:

**Uunga siunnersuut: Nunami inuussutissarsiutinut tunngatillugu inuussutissarsiornermik siuarsaneq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxxx 2016-imeersoq (Aallarnisaasunik ineriartortitsineramik ingerlataqarnermut tapersiisarneq)**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Siunnersuutip nassuiaatitaani tupaallaannartumik nuna Israeli uani maligassiuilluartutut assersuutigineqarpoq.

Aappaatigulli aamma Partii Naleqqamiit tamanna eqqarsalaarnikkut tupinnartoqarpallaanngitsutut taasariaqarparput, tassami maani inuussutissarsiornermut ingerlatallit (pisortat ingerlataat amerlanerpaat allamiunik pisortaqlutik ingerlatsisut saniatigut), maani namminersorlutik sulifeqarfiit ingerlasut misissoraanni 90%-iisa missaat nunatta avataaneersunik pigineqarlutillu ingerlanneqarput, soorlu Afrika Kujallermi. Tassa qanorluunniit mamaagineqartigingaluarpat pissutsit piviusut, taamaattumillu aamma allanngortittariaqavissut... Imaluunniit Naalakkersuisut isornartoqartinnigilaat? Assersuutigisinnaavarput masakut aamma tusagassiorfinni malersorneqarnikuusut Tunumi pissutsit, aammalu ippassaq pulaartoqarpugut kujataani pissutsinik amiilaarnartunik saqqummiiffigineqarluta.

Ineriartortitsineq sunaana aamma qanoq?

Siullermik kikkunuku ineriartortinniarigut, kikkunuku aallarnisaasut pisortaniit periarfissinniarigut, aamma nunasiaateqariaaseq nutaaq maani sakkortusiartuinnartoq illersorniarneqarpaa?. Aallarnisaasunik periarfissagissaartitsineq pingaaruteqarpoq, tassuuna Naalakkersuisut soorunami isumaqatigilluinnarpagut, taamaattorliuna qanoq siunertap taassumap timitalersorneqarnera uagut tungitsinniit annertuumik apeqqusertariaqartutut nalileripput – aammami pisariaqalivimmat. Nunami sumilluunniit atugarissaarnerulernermik aammalu inerisaanermik politikkeqarneq takornartaanngilaq, soorlu aamma takornartaanngitsoq nunap inui politikerminnik illersorneqarlutik ineriartornermi aqutissiuunneqartartut.

Taava tunngaviatigut aqqitassat, tunngavissaq isumaqatigiissutigeqqaarlugu makku sinneri aqqissorutsigit pitsaanerpaassooq, kukkusumimmi tunngaveqareersoq ilaartorniarsarigaluarutsigu iluarsiuminaatsorjuusooq tamarmi.

Massakkummi inuussutissarsiornermi aallartisarniartut kikkulluunniit, maani ukiut marluinnaat ”najugaqarnikut” allaat pisuussutitsinnik uumassusilinnik pisassinneqarnissaminnut

akuersissummik tunineqartalernikuupput soorlu aamma takornariaqarnerup inuussutissarsiutinilu allani aamma pissutsit taamaasinikoq. Taamaattumik taakku inuussutissarsiortut 90% sinnerlugit amerlatigisut inuiaqatigiit agguataarneranut naapertuunnerusumik ingerlatsilerniarutta allatoqqinnaaq, kukkusumik ilaartuiunnaarluta, ingerlasariaqalerpugut, taamaasippat taava Partii Naleqqamiit oqaloqataanissatsinnut piareersimavugut, kukkussutit eqqortunngorsaanissaanut ilaartuiinnarata, aaqqissuusseqqillutali.

Neo-kolonialisme-mut akerliuvugut.

Taamaattumik nunaqavissut pitsaanerusumik aqutissiuunneqarnissaat pisariaqartipparput,

- Takornariartitsinerup silarsuaani ersarinnerujussuarmik inissisimalernissaat, aamma aallarnisaaniartuni, immikkoortitaanatik
- Aalisarnerup silarsuaani mangiarfigitinnatik nukittorsartuarnissaat. Massakkummi allaat Naalakkersuisut eqqunniarsaraat nunatta avataaniit 40%-mik piginneqateqartalernissaq, tamanna ineriartornerunngilaq manigaaneruvoq. Aalisarnerup silarsuaani aallartisarniat aqutissiuunnersariaqarput, piumasut allagartartaarusuttut amerlaqaat, tunineqarumangitsut
- Qularnaveeqqusiinermut aningaasateqarfimmik pilersitsisoqartariaqarpoq maani suliffeqarfiit suliassanut angisuunut asuli mattutiinnaqattaarunnaarlugit
- Nunaqavissut inuussutissarsiordermi massakkumiit ersarinnerujussuarmik inissisimalernissaat aqutissiuunneqartariaqarpoq, timitalimmik naligiimmik pineqalerniarlik. Angutserlugu ilusilersueqataanissatsinnut piareersimavugut

Qujanaq